

عہدی شاعریء ساڑا: عہدی شاعریء مستریں پجار ایش انت کہ ایشیء تہادری درشانی  
(معروضی) رنگ بیت۔ اے دروشمء رنگ ہرج راجء عہدی یا کو نہیں شاعریء ہست  
انت۔ ودے کہ نوکیں شاعری گیشتر چندمانیء تہی مارشانی درنگازیء مانزمان انت۔ دنیا  
ء درائیں کو ہنء عہدی شاعری (عشقیہء رزمیہ) ”ایپک“ یاب ”ایلیڈ“ء دروشم  
(form)ء انت۔ شاعریء اے تہرانی شہارداں یونان روتء سر بیت کہ مایشیء  
ستریں درور ”اوڈیسی“ء ”ایلیڈ“ انت۔

اے شاعری گیشتر دری ویلء واقعہانی کسمانکی رنگء درشانء کش انت کہ آئیء تہا  
شاعرء چندمانی مارشانی کسانیں گونا پے ہم بیت بلے گیشتریں زور دری ویلء سرا انت  
۔ چو گیدی شاعریء کو نہیں شاعریء ہم بازیں شعرے پے گو اچنی زانگ نہ بیت کہ کجام  
شاعر نیگ انت بلے گیشتریں شعر پے شاعرانی نامء گمان کنگ بنت چو کہ بازیں نگد کارانی  
گشگ انت کہ ”ایلیڈ“ء ”اوڈیسی“ء شعر عومرء نہ انت بلے یونانء درائیں جہانء اے  
شعر نوں عومرء نامء انت۔